



Nikolaj Jeremiassen
Inatsisartunut ilaasortaq

**Kangaatsiami imermik pilersuineq pillugu § 37 naapertorlugu apeqqummut nr. 2017/094-
imut akissut**

03-03-2017
Suliap nr. 2017 - 4190

Inatsisartut suleriaasianni § 37, imm. 1 malillugu Kangaatsiami imermik pilersuineq
pillugu Naalakkersuisunut apeqquteqarsimavutit. Apeqqutigineqartut uannit
akisassanngortinneqarsimapput.

Postboks 1601
3900 Nuuk
Oqarasuaat (+299) 34 50 00
Fax. (+299) 32 56 00
E-mail: isiin@nanoq.gl
www.nanoq.gl

**1. Kangaatsiami imeqarnek ajornartorsiutaasoq qaangerniarlugu qanoq
iliuuseqartoqarniarpa?**

Akissut:

Nukissiorfiit ataani allanneqarsimasut naalakkersuisoqarfimmut
ilisimatitsissutigisimavaat:

“2015-imi ukiaanerani Nukissiorfinnit paasineqarpoq, tatsit imeqarfiusut Kangaatsiamik
pilersuisut ikkappallaalersimasut. Tamatumunnga pissutaavoq, Royal Greenlandip
Nukissiorfiit ilisimateqqaarnagit imermik atuineq qaffassimmagu, Royal
Greenlandimi saarullinnik tisanermik suliaqalernerup malitsigisaanit.
Kangaatsiami innuttaasunut imermik pilersuineq eqqarsaatigalugu Nukissiorfiit Royal
Greenland piumaffigisariaqarsimavaa piffissami aalajangersimasumi imermik atuineq
annikillisittariaqaraa.

Nukissiorfiit 2015-imi ukiukkut tatsimut ataatsimut (taseq 7) imermut
akoorneqanngitsumut aqquilersuippit, taanna tatsit imeqarfiusuniit,
nalinginnaasumik atorpeqartartuniit (taseq 1 aamma 2) 4 kilometeritut
ungasitsigisumiippoq. Taseq 7-imiit taseq 2-mut imermut akoorneqanngitsumut aqqu
nutaq ajoraluartumik qerisoorpoq, tamatuma kinguneraa, aatsaat 2016-imi maajimi
imermik nuussisoqarnissaanut periarfissaqalernerq.

Tatsimit nutaamiit (taseq 7) imermik akoorneqanngitsumik nuussisoqarnissaanik
pilersitsinerup kingunerisaanit Nukissiorfiit 2016-imi aasap ingerlanerani imermik
akoorneqanngitsumik atuinermiit annertunerusumik nuussisinnaasimavoq. Naak
taamaakkaluartoq tatsip 2-p imaqassusaa apparsimavoq. Sumik tamanna peqqu-
teqarnerisq Nukissiorfiit misissorpaa.

Nukissiorfiit Royal Greenlandimik ulloq 14. februar 2017-imi
ataatsimeeqateqarnerminni Kangaatsiami imermik pilersuineq pillugu Royal

Greenlandimut paasissutissiivoq. Ataatsimiinnermi Royal Greenland paasissutissiivoq, suliffeqarfiup kissaatigigaa, Nukissiorfiit maajimiit novembari tikillugu imermik qaammammut 2000 m³-imik pilersuisinnaanissaa. Massakkuugallartoq Nukissiorfiit naliliipput, illoqarfiup aamma suliffissuup pilersorneqarnerata qulakkeerneqarnissaanut atatillugu qaammammut imermik 1100 m³-imik pilersuisinnaanissaq illersorneqarsinnaasoq.

Taseq 7-imiit taseq 2-mut imermik pitsaaneruseqarnera nuussisnaanissaq anguniarlugu Nukissiorfiit imermut akorneqanngitsumut angineruseqarnera imaarsaammik ikkussiniarput, taamaasilluni erngup akorneqanngitsup aqquataata qerisoornissaa pinngitsoortinneqassaaq.

Nukissiorfiit naatsorsuutigivaat, imermut akorneqanngitsumut angineruseqarnera imaarsaammik ikkussisoqarpat, Nukissiorfiit maajimiit novembari tikillugu imermik qaammammut 2000 m³-imik Royal Greenlandimut pilersuisinnaalissasut (tassa tisasogarnerata nalaani)".

Paasinarsissappat Nukissiorfiit piaakannersumik aqqiissutiginiagaa Royal Greenlandip naammattumik imermik pilersorneqarnissaanut qulakkeerissanngikkaluarpat, takuuk qulaaniittoq, taava Naalakkersuisut akuersaartumik Royal Greenlandip peqatigalugu aqqiissutissanik allanik misissuissapput.

Inussiarnersumik inuulluaqqusillunga

Med venlig hilsen


Vittus Qujaukitsoq

20. februar 2017

Inatsisartut Suleriaasianni § 37 naapertorlugu matumuuna Naalakkersuisunut apeqqutit imaattut saqqummiuppakka:

Apeqquteqaat:

1. Kangaatsiami imeqarneq ajornartorsiutaasoq qaangerniarlugu qanoq iliuuseqartoqarniarpa?

(Inatsisartunut ilaasortaq Nikolaj Jeremiassen, Siumut)

Tungavilersuut:

Kangaatsiaq imeqarnikkut ajornartorsiorfiusoq aaqqiiviginiarlugu Naalakkersuisut qanoq iliuuseqalersaarnersut § 37-vikkut aperinikuuvunga, iluarsiniarlugulu sulisoqartoq paasitinneqarnikuullunga, kisianni tassa mannarsuaq anguaa suli susoqanngitsoq, taamaattumik paaserusuppara ajornartorsiutaasoq upernariartornerani eqquinerluttarmat pisussaq siornagerlugu aqqisoqarnissaa perusullugu, tassami sillimaniarnikkut eqqiluisaarnikut minnerunngitsumillu tunisassiornikkut assut ajornartorsiortsitsilersarmat.

Kissaatingaara ullut suliffiusut qulit iluanni akineqarnissara.